

ՍՅՈՒՆՅԱՑ ԱՇԽԱՐՀԻ ԲՂԵՆ ԳԱՎԱՌԸ

Սյունյաց աշխարհի քիչ հայտնի գավառներին էր Բղենը, որի մասին տեղեկություններ հաղորդում է Ստեփանոս Օրբելյանը՝ Նրա «Պատմության» հին գլուխը վերնագրված է «Վասն շինութեան Նորավանից, որ ի գաւառին Բղենոյ»։ Հիշյալ գլխում պատմիչը խոսում է ոմն Ստեփանոս քահանայի կողմից Նորավանքի կառուցման մասին, որի շինարարությունը ավարտվել է 936 թ.¹ «Գնացեալ ասլա ի թիկանց կուսէ Կատարոյ վանից. և գտեալ տեղի մի յոյժ գեղեցիկ և վայելուչ՝ ի մէջ երկու ձորոց ի վերայ հարթ ոստոյ միոյ, սկսանի շինել եկեղեցի օժանդակութեամբ Հրահատայ իշխանի. և կատարէ ղնա, և այլ ևս գաւիթս և սրահս եկեղեցւոյն և բնակութիւն կրօնաւորաց»։

Եւ կոչեալ ի նաւակատիս զՏէր Յակոբ՝ Սիւնեաց հայկոպոս, սահմանէն զնա եղբայրանոց և զվայրն ամենայն շրջակայ՝ ժառանգութիւն եկեղեցւոյն, և ղնէն ղողեմտունս հանդէպ վանիցն. և ժողովեալ ուրուկս բազումս անդ դարմանէին. և այսպէս պայծառացուցեալ ամենայն սպասուր և կարգաւք զվանսն յ385 թուականին Հայոցս²։

Նորավանքից բացի, որի տեղադրությանը կանգրագրանանք ստորոս, գավառի բնակավայրերից է եղել Բղեն բերդը, որից էլ, ամենայն հավանականությամբ, իր անունն է ստացել գավառը։ Այդ բերդը Սյունիքի առավել նշանավոր սլաշտայանական կառույցներից մեկն է եղել³։

Ըստ «Աշխարհացոյցի» Սյունյաց աշխարհը ունեցել է 12 գավառ։ Ֆեոդալական հարարությունների հետագա խորացման և ֆեոդալական ընտանիքների տրոհման հետևանքով Սյունիքի այդ գավառները ենթարկվեցին մանրատման, ծնունդ տալով նոր գավառների⁴, որոնցից էր նաև Բղենը։ Սակայն տարակարծություններ կան այն մասին, թե որ գավառի տրոհման հետևանքով է առաջացել Բղենը։

Տաթևի վանքի հարկատու գյուղերի հին ցուցակում պահպանվել են Բղեան և Բողեան գյուղանունները, որոնցից առաջինը վերաբերում է Մղուկ⁵, իսկ երկրորդը՝ Հարանդ⁶ գա-

վառներին։ Ամենայն հավանականությամբ այս բնակավայրերից մեկը առնչություն ունի սուսումնասիրվող բերդի և գավառի հետ։ Դժբախտաբար մեղ հայտնի չեն Բղեն գավառի մեջ մտնող այլ բնակավայրերի անունները, որոնց տեղադրությունը որոշ պարզություն կմտցնեի այս հարցում։ Այնուամենայնիվ ուսումնասիրողների կողմից առ այսօր կատարված հետազոտությունները՝ Բղեն գավառի և բերդի, ինչպես նաև Բղենո Նորավանքի տեղադրության վերաբերյալ, հնարավորություն են ընձեռում որոշելու և պարզարանելու գավառի հետ կապված պատմա-աշխարհագրական բնութի մի շարք հարցեր։

Ինճիճյանը, անդրադառնալով Բղեն բերդի տեղադրությանը, գրում է. «Թուի(ն) լինել ի Բաղաց գաւառի...»⁷։ Այս ենթադրության համար հիմք է ծառայել Օրբելյանի հետևյալ վկայությունը. «...ի 554-ին առաւ Բղեն. և գերեցաւ խոսքովիկ իշխանն. եւ ի սուր սուսերի մաշեցան բազմութիւնք քրիստոնէից, և բնաւին յաւեր անցաւ տունն Բաղաց...»⁸։

Այլիշանը այդ հարցի կապակցությամբ գրել է. «...և ոչ ուրեք այլ յիշի գաւառ յայս անուն, այլ գեօղ մի ի Հարանդ գաւառի, և Բղենոյ բերդ, որոյ գաւառ ոչ նշանակի. յիշի Բղեն և այլ ուրեք ուրեք, սակայն ղիրք ղոցին ոչ ի միում վայրի թուին. ղի Զուրն Բղենոյ թուի լինել հարավագոյն եւս քան ղտեղագրեալս վայր, իսկ ջուրն Ձագեծորոյ որ ընդ մէջ սահմանաց Մղկայ և Հարանդայ՝ մերձ ինքեան ցուցանէ և ղԲողեն ընդ Բորոտնայ, ըստ որում ղոյգ հիշի և այլուր. և Բորտի է, յԱյախ. այսինքն արեւելեան Մղուկս...»⁹։

Այլիշանի տեղադրությունը բավական անորոշ է և, ինչպես նշել է Թ. Հակոբյանը, «...գրեթե բոլորովին չի լուծում Բղեն բերդի և գավառի տեղադրության հարցը»¹⁰։

Մ. Հովհաննիսյանը, համամիտ չլինելով Ինճիճյանին, իրավացիորեն նշում է, որ Բաղաց թագավորությունը ընդգրկում էր Սյունիքի մի քանի գավառները և Օրբելյանի այդ վկայությունից չի կարելի հետևցնել, թե այն Բաղք գավառի տարածքում է եղել։ Իր հերթին Մ. Հովհաննիսյանը Բղեն բերդը տեղադրում է Մղուկ

¹ Ս տ ե ի ա ն ո ս Օ Ր Բ Ե Լ Ե Յ Ա Ն, Պատմութիւն նահանգին Սիսական, Թիֆլիս, 1910, էջ 245։

² Նույն տեղում, էջ 13։

³ Ս. Տ. Ո Ր Ե Լ Ե Յ Ա Ն, Հայաստանը ըստ «Աշխարհացոյցի», Երևան, 1963, էջ 22—23։

⁴ Ս տ ե ի ա ն ո ս Օ Ր Բ Ե Լ Ե Յ Ա Ն, էջ 510։

⁵ Նույն տեղում, էջ 517։

⁶ Ղ. Ի ն ճ ի ճ յ ա ն, Ստորագրութիւն հին Հայաստանեայց, Վենետիկ, 1822, էջ 286։

⁷ Ս տ ե ի ա ն ո ս Օ Ր Բ Ե Լ Ե Յ Ա Ն, էջ 334։

⁸ Ղ. Ա ի ի շ ա ն, Սիսական, Վենետիկ, 1893, էջ 278։

⁹ Խ. Կ. Հ ա կ Ե յ ա ն, Սյունիքի թագավորությունը, Երևան, 1966, էջ 135։

գավառում՝ կովան ունենալով համանուն գյուղի գոյությունը Մղուկում¹⁰։ Սակայն եթե Բղեն բերդը փորձենք տեղադրել Մղուկ գավառի տարածքում լույ ալն պատճառով, որ այնտեղ հիշատակվում է Բղեան անունով գյուղ, ճիշտ չի լինի, քանի որ նույն հավանականությամբ Բղեն գավառը իր անունը կարող էր ստանալ Հաբանդի Բուլեան գյուղից։

Բղեն բերդի, գավառի և նորավանքի տեղադրությունը անդրադարձել են նաև սովետահայ պատմաբանները։ Այսպես, Թ. Հակոբյանը, ելնելով Օրբելյանի հաղորդած վկայությունների քննությունից, այն կարծիքն է արտահայտել, որ Բղեն բերդը պետք է գտնվեր Որոտն և Բարկուշատ բերդերի միջև, իսկ գավառը՝ Բաղքի, Մղուկքի, Հաբանդի և Քաշունիքի սահմանագլխին, համապատասխանելով Բաղքի (Աճեն) հյուսիսային մասին¹¹։

Մատենագրական վկայությունների և կատարված ուսումնասիրությունների քննության հիման վրա Գ. Սարգսյանը Բղենո նորավանքը համարում է Բարձրավան գյուղից արևելք, տեղացիների կողմից Ջհաննամ դարասի (Դժոխաձոր) կոչվող վայրում գտնվող վանքը, իսկ Բղեն բերդը՝ Որոտան գետի հովտում, Տաթևից ցած, Գորիսի գետակի գետախառնուրդի մոտերքում պահպանված ամրություններից մեկը։ Վերահիշյալից ելնելով Գ. Սարգսյանը Բղեն գավառը տեղադրում է Բաղքի հյուսիսային մասում¹²։

Ս. Գ. Բարխուդարյանը, համամիտ լինելով Գ. Սարգսյանի կողմից նորավանքի տեղորոշմանը, այն կարծիքն է հայտնել, որ նորավանքը, իր շրջակայքով հանդերձ, եղել է Հաբանդ գավառի տարածքում, երբեմն կազմելով առանձին գավառ, որը կոչվել է Բղեն բերդի անունով¹³։ Ելնելով Թ. Հակոբյանի, Գ. Սարգսյանի և Ս. Բարխուդարյանի տեղադրություններից, պետք է նշել, որ չնայած տվյալ հարցում նրանք ունեն տարբեր ելակետեր, այնուամենայնիվ նույն տարածքում են տեղադրում Բղեն գավառը։ Ավելի կոնկրետացնելով նրանց ուսումնասիրության արդյունքները, կարող ենք ասել, որ Բղեն գավառը գտնվում էր Բարկուշատ գետի¹⁴ աջ ափին և ընդգրկում էր ներ-

կայիս ՀՍՍՀ Գորիսի շրջանի Բարձրավան, Շուրնուխ, ինչպես նաև Աղբը. ՍՍՀ Ղուբաթլուի շրջանի Սեյթաս¹⁵, Գեյարբաս, Ջիրիլու, Դեյարչիկ, Թամիր Մուսկանլու, Գյուրջուլու, Բախտիարլու գյուղերը իրենց շրջակայքով (տե՛ս նկարը)։ Համաձայն Ս. Տ. Երեմյանի կաղմած «Հայաստանը ըստ «Աշխարհացոյց»-ի» քարտեզի սահմանադրամասնումների, այս տարածքը համապատասխանում է Հաբանդ գավառի հարավ-արևելյան մասին¹⁶։

1974 թ. մեր ուղադրությունը գրավեցին երկու հինավուրց բերդերի ավերակներ։ Դրանցից մեկը գտնվում է Բարգուշատի գետի աջ ափին, Աղբը. ՍՍՀ Ղուբաթլուի շրջանի Դավուլու գյուղից ոչ հեռու։ Այս բերդի մասին Ալիշանը գրել է. «Մերձ ի խառնուրդս նշանակի Տավութլու գիւղ և բերդատեղի, ոչ գիտեմ յանուն Դավի բէկի թե այլում»¹⁷։

Երկրորդ բերդը Աղբը. ՍՍՀ Ղուբաթլուի շրջանի Բախտիարլու գյուղի հարավային մասում է, Բարգուշատ գետի աջ բարձրագիւր ափին և ներկայումս կոչվում է Գյավուր դալասի¹⁸։ Հիշյալ բերդը ամրությունները գտնվում են միմյանցից մոտավորապես 6 կիլոմետր հեռավորության վրա և, մեր կարծիքով, համապատասխանում են Բորոտան և Բղեն բերդերին, համաձայն Օրբելյանի հաղորդած ներքոհիշյալ տեղեկության. «...էառ և թափեաց ղերկիրն Որոտան բովանդակ մինչ ի սահմանն Բորոտանայ և Բղենոյ, յորում և կայր ընդ աւեր

դից մի փոքր արևելք հայտնի է Բարկուշատի գետ անունով (տե՛ս Ս տ. Լ ի ս ի ց յ ա ն, Զանգեզուրի հայերը, Երևան, 1969, էջ 19)։

15 Սեյթաս գյուղը ամենայն հավանականությամբ համապատասխանում է Տաթևի թեմի պտղի ցուցակում (տե՛ս Ա. Ա բ ր ա հ ա մ յ ա ն, Ժամանակագրություն Ստեփաննոսի Օրբելեանի, Երևան, 1942, հավելված, էջ 42) Մաղանջուխու գավառի բնակավայրերի թվում հիշատակվող Սեթանց բնակավայրին։

16 Ս. Տ. Երեմյան, Հայաստանը ըստ «Աշխարհացոյց»-ի, Երևան, 1963, տե՛ս քարտեզը։

17 Ղ. Ա լ ի շ ա ն, նշվ. աշխ., էջ 262։

18 Անառիկ դիրք ունեցող այս ամրությանը կարելի է մոտենալ ոլորապտույտ ճանապարհով, որը սկսվում է Բախտիարլու գյուղից և բարձրանում դեպի վեր՝ շրջանցելով բերդը հյուսիս-արևմուտքից և մոտենում նրան հարավային կողմից։ Բերդից այսօր շատ քիչ բան է պահպանվել։ Պարիսպների մնացորդներից երևում է, որ այն կառուցված է եղել առանց շաղախի, խոշոր քարաբեկորներից։

10 Մ. Հ ո վ հ ա ն ն ի ս յ ա ն, Հայաստանի բերդերը, Վենետիկ, 1970, էջ 414։

11 Թ. Խ. Հ ա կ ո բ յ ա ն, նշվ. աշխ., էջ 135—136։

12 Գ. Ս ա Ր Գ Ս Յ Ա Ն, Բղենո նորավանք, «Էջմիածին», 1952, № 3, էջ 27—32, № 4, էջ 28—38, № 6, էջ 41—46։

13 «Դիվան հայ վիմագրության», պրակ 2, կազմեց Ս. Գ. Բարխուդարյան, Երևան, 1960, էջ 41։

14 Որոտան գետը Գորիսի շրջանի Խոտ գյու-

աթոռն Սիւնեաց Տաթևս¹⁹։ Այս վկայությունից թերևս կարելի է եզրակացնել, որ Բորոտանը և Բղենը գտնվելիս են եղել իրար մոտ։ Միաժամանակ կարելի է ենթադրել, որ Դավութլուի բերդը համապատասխանում է Բորոտանին, իսկ Գյավուր-ղալասին՝ Բղենին, քանի որ վկայության մեջ Բորոտանը հիշվում է Բղենից առաջ։ Փորձենք հիմնավորել մեր տեսակետը։ Ստ. Օրբելյանի պատմության ձեռագրերում, Հարանդ

ՍՍՀ Ղուրաթլուի շրջանի Սամար գյուղի հա-րավային մասում, Բարդուշատ գետի աջ ափին ժամանակին կառուցված է եղել բերդ, որից այսօր քիչ բան է պահպանվել։ Այս բերդը հայտնի է «Ֆաթ-Ալի կալասի» անունով։ Տեղացիների վկայությամբ այն պատկանել է Բարդուշատ²¹ գավառի տեր Ֆաթ-Ալի խանին։ Այս անձնավորությունը հիշվում է XVIII դա-րի Սյունիքի աղագային-աղատագրական պատե-



Նկ. 1

գավառի բնակավայրերի ցուցակում, մեզ հե-տաքրքրող տեղանունները հիշվում են հետևյալ հաջորդականությամբ՝

...Գնթաշեն	Ցողունի
Ղոկանի	Բորոտան
Բուղեան	Ագարակ... ²⁰

Ինչպես տեսնում ենք, այստեղ նույնպես հիշյալ տեղանունները նշված են համարյա կողք-կողքի։

Այս բերդերից ներքև, պատմական Քաշունիք գավառի տարածքում, Բարդուշատ և Հաղարի գետերի միախառնման տեղից ոչ հեռու, Աղբը.

րադմների ժամանակ տեղի ունեցած իրադար-ձությունների կապակցությամբ և հայ մատե-նագրության մեջ հայտնի է Բաթալի սուլթան²² անունով։

Ժամանակին Ալիշանը ենթադրել էր, որ Ֆաթ-Ալի խանի նստավայրը պետք է եղած լինի Բարկուշատի բերդը, սակայն նրան հայտնի չի եղել վերջինիս դիրքը. «...Բարկուշատ ըստ հին Ցուցակի, որ ի յետին դարս ի տերութեան այլազգեաց եղեալ է իշխանանիստ ուր և Փաթ Ալին վերոյիշեալ նստէր. այլ ոչ նշանակին դիրք նորին, հավանօրեն առ գետեզերք. էր նո-րա ի հնումն և բերդ ամուր՝ ընդ նշանաւորս աշխարհին Սիւնեաց»²³։

Բավական հետաքրքիր է Օրբելյանի մեկ այլ վկայություն, որը հաստատում է ինչպես Բո-րոտան և Բղեն, այնպես էլ Բարկուշատ բերդի տեղադրությունը։ «Առին ի 660 թուին զՍիւ-նիս, զՈրոտն, զԲորոտան, զԲղեն, զԳարկու-շատ»²⁴։ Հիշատակված բերդերից առ այսօր հայտնի է Սյունի և Որոտան բերդերի դիրքը։ Ենթադրվում է, որ Սիսիանի հյուսիսային մա-սում բարձրացող բլուրի վրա պահպանված

19 Ս տ ե փ ա ն ո ս Օ Ր Բ Ե Լ Յ ա ն, էջ 411։ Որոտան երկիրը նախկին Մոուկ գավառն է (տե՛ս Թ. Խ. Հ ա կ ո ր Յ ա ն, նշվ. աշխ., էջ 136)։

20 Մաշտոցի անվան Մատենադարան, ձեռ. № 1488, էջ 210բ, ձեռ. № 2924, էջ 151բ, ձեռ. № 7503, էջ 227ա, ձեռ. № 6546, էջ 219բ, ձեռ. № 2698, էջ 176ա, ձեռ. № 2868, էջ 129ա, ձեռ. № 6520, էջ 141ա։ Բուղեան ընթերցումը տե՛ս ձեռ. № 2924, էջ 151բ, ձեռ. № 1488, էջ 210բ, մնացած դեպքերում՝ Բողեան։ Բորոտան տեղանունը գրիչների կողմից Բ և Ք տառերի շփոթելու հետևանքով դարձել է Քորոտան (Օր-բ Ե Լ Յ ա ն, էջ 517), Քորատուն (ձեռ. № 2868, էջ 129ա), Քորոդան (ձեռ. № 2924)։ Հանդի-պում է նաև Բորոդան ընթերցումը (ձեռ. № 7503, էջ 227ա, ձեռ. № 6546, էջ 219բ)։

21 Բարդուշատը հին «Միւս Բաղք» կամ «Քա-շունիք» գավառն է (տե՛ս Օ Ր Բ Ե Լ Յ ա ն, էջ 75)։

22 «Ընտիր Պատմութիւն Դավիթ Բէգին...»։ Վաղարշապատ, 1871, էջ 16, 22, 23, 25։

23 Ղ. Ա Լ Ի շ ա ն, նշվ. աշխ., էջ 282։

24 Ս տ ե փ ա ն ո ս Օ Ր Բ Ե Լ Յ ա ն, էջ 392։

բերդի ավերակները նախկին Սյունի բերդի մնացորդներն են²⁵։ Որոտան բեդի ավերակները գտնվում են լորաձորի գետաբերանի և Վաղուդի գյուղի միջև, Որոտան գետի աջ ափին²⁶։ Եթե նկատի ունենանք Օրբելյանի կողմից թվարկված բերդերի հաջորդականությունը, ուսած Որոտան բերդից, ապա Դավութլուի բերդը կհամապատասխանի Բորոտանին, Դյավուր զալասին՝ Բղենին, իսկ այդ երրորդ ամրությունը՝ Բարկուշատ բերդին։

Այսպիսով, Բղեն բերդի տեղորոշմամբ հայտնի է դառնում նաև Սյունյաց երկու նշանավոր այլ բերդերի՝ Բորոտանի և Բարկուշատի տեղադրությունը։ Քանի որ այս բերդերը իրենց անունները ստացել են համանուն գյուղերից,

ապա այս բերդերի տեղորոշմամբ լուծվում է նաև համանուն գյուղերի տեղադրության հարցը։ Բորոտան գյուղը այդ դեպքում պետք է համապատասխանի Դավութլու գյուղին, քանի որ վերջինս անհամեմատ ավելի մոտ է բերդին, քան մյուս բնակավայրերը։ Բղենը պետք է գտնվել լինել Դյավուր զալասի հարավ-արևելյան մասում, ուր նշմարվում են գյուղատեղի հետքեր, Բարկուշատը՝ Մամար գյուղի հարավ-արևելյան մասում, բերդին կից, քանի որ Մամար գյուղը, ժամանակի ընթացքում ընդարձակվելով, իր սահմանների մեջ է ընդգրկել բերդատեղին և գյուղատեղը։

Ա. ՂԱՐԱԴՅՈՋՅԱՆ


ԲՆԱԿԵԼԻ ՇԵՆՔԻ ՊԵՂՈՒՄՆԵՐԸ ԴՎԻՆԻ ՍՏՈՐԻՆ ԲԵՐԳՈՒՄ 1975 թ.

Մեծավաստակ գիտնական Կ. Գ. Ղաֆադարյանը, Դվին հնավայրն ուսումնասիրելիս, նրա կարևոր տեղամասերից մեկը, որն ընդգրկում է միջնաբերդի լանջերը, պայմանականորեն անվանել էր Ստորին բերդ¹։ Պեղումների առաջին տարիներին այնտեղ կատարվեցին հետախուզական որոշ աշխատանքներ, որոնք հետաքրքիր նյութեր տվեցին քաղաքի ու շրջանի սոցիալ-տնտեսական կյանքը և քաղաքաշինության մի շարք հարցերը պարզաբանելու համար։

1975 թ. Ստորին բերդի արևմտյան լանջում բացվեց մոտ 100 քառ. մ մակերեսով միջնադարյան բնակելի ու մեծ մի շինություն, որը բաղկացած էր նեղ միջանցքներով միմյանց հաղորդակից 8 տարբեր չափերի սենյակներից (նկ. 1)։

Տասնամյակների ընթացքում բնական աղետների ու թշնամու գործած ավերածությունների պատճառով շինությունը, ինչպես երևում է, քանիցս վերանորոգվել է, քանի որ պատերի համաչափությունները բավականաչափ խախտված էին (սենյակներից մեկի 5 մ երկարություն ունեցող պատը կտրվածքում շարված էր 40 սմ աղյուսով, 35 սմ քարով, իսկ 1 մ 17 սմ լանջումից պատը շարված էր 68 սմ աղյուսով և 68 սմ քարով և այլն) և կառույցը կորցրել էր նախնական տեսքը։

Շինության արևմտյան մասի փոքրցին² նախող սենյակներից մեկում բացվեց մշակված քարերով շարված շրամուտքը (1 մ 20 սմ բացվածքով), առջևում տեղադրված 58 սմ երկա-



նկ. 1

րություն մի մեծ սալաքարի մնացորդով։ Դերքուստ կառույցը հարդարելու նպատակով գործ են ածել տեղում գտնված կաղապարի մեջ պատրաստված գաջե զարդեր, գույնզգույն խճաքարեր կամ ձևավոր աղյուսի երկրաչափական տարրեր զարդանախշեր։ Հետաքրքիր ձևավորում ունեն գիպսի մեջ աղյուսներով շարված մեծ զանգվածը։ Թրծած աղյուսները աստղաձև զատավորելու միջոցով ստեղծել են երկրաչափական մի համաչափ պատկեր։ Անկասկած այդ

25 թ. Խ. Հակոբյան, Նշվ. աշխ., էջ 140։

26 թ. Խ. Հակոբյան, Հայաստանի պատմական աշխարհագրություն (ուրվագծեր), Երևան, 1968, էջ 206։

1 Կ. Գ. Ղաֆադարյան, Դվին քաղաքը և նրա պեղումները, Երևան, 1952, էջ 24։

2 1974 թ., նախքան հիշյալ շինության բացվելը, նյութական մշակույթի մնացորդներից զուրկ այս տարածությունը պայմանականորեն անվանել էինք փոքրց։ 1975 թ. պեղումները հաստատեցին այս ենթադրությունը։